



SIARAN AKHBAR BERSAMA

BDCB DAN BCMA MENYELARASKAN INISIATIF BAGI SAMBUTAN MINGGU PELABUR SEDUNIA 2025

1. Sempena Minggu Pelabur Sedunia ataupun World Investor Week (WIW) 2025, Brunei Darussalam Central Bank (BDCB), dengan kerjasama Persatuan Pasaran Modal Brunei Darussalam (BCMA), mengelolakan beberapa inisiatif untuk memperkukuh pendidikan dan perlindungan pelabur serta celik kewangan di Negara Brunei Darussalam. Kempen tahunan yang diterajui oleh International Organization of Securities Commissions (IOSCO) ini menghimpunkan pengawal selia dan pihak industri kewangan dari seluruh dunia.
2. WIW 2025, yang berlangsung dari 6 hingga 12 Oktober 2025, menekankan tiga tema utama iaitu: teknologi & kewangan digital, kecerdasan buatan (artificial intelligence), dan pencegahan penipuan kewangan, di samping bidang tumpuan lain seperti aset kripto dan asas-asas pelaburan.
3. Sebagai sebahagian daripada usaha BDCB dan BCMA untuk meraikan WIW, beberapa inisiatif telah dijalankan dan dirancang untuk membekalkan orang ramai dengan pengetahuan dan kemahiran praktikal, termasuk:
 - Kerjaya dalam Pasaran Modal – Pada 12 September 2025, satu sesi perbincangan panel telah diadakan di Universiti Brunei Darussalam (UBD) Career Fair untuk memperkenalkan para pelajar kepada pengalaman pengawal selia dan pengamal dalam bidang pasaran modal.
 - Jerayawara – Beberapa perantara berlesen akan membuat jerayawara ke institusi-institusi pengajian tinggi tempatan untuk mengongsikan kaedah pelaburan digital serta memberi pendedahan langsung mengenai operasi industri.
 - 'Investment Challenge' – Satu pertandingan praktikal akan diadakan bagi penuntut-penuntut terpilih yang antaranya bertujuan untuk membina kemahiran membuat keputusan pelaburan, membina kesedaran terhadap risiko, serta menggalakkan pembinaan portfolio pelaburan jangka panjang.
 - Kempen Media Sosial mengenai Pelaburan Bijak – Sebuah siri pendidikan mengenai perlindungan pelabur dan tabiat kewangan bijak akan dijalankan melalui akaun Instagram BDCB (@centralbank.brunei) dan Usinwise (@usinwise).
4. BDCB dan BCMA mengalu-alukan para pelajar, golongan profesional muda, serta orang ramai untuk ikut serta dalam aktiviti-aktiviti ini untuk memperkukuhkan lagi kefahaman mengenai pasaran modal dan membina keyakinan dalam membuat keputusan pelaburan.

Untuk maklumat lanjut mengenai WIW 2025, sila layari www.worldinvestorweek.org atau hubungi BCMA di Brunei.cma@gmail.com.

Brunei Darussalam Central Bank

Tarikh: 14 Rabiulakhir 1447H / 6 Oktober 2025M

Rujukan: BDCB/COMMS/3